



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XXIII. Die Ivnii.

**urn:nbn:de:hbz:466:1-9625**

## XXII. DIE IUNII.

CLAVDIVS VOLEY  
COADIUT.ANDREAS SAA  
SCHOLASTICUS.Belga Cam-  
berij. 22.  
Iunij 1670.  
ætat. 65.  
Soc. 36.

Mortuus

Spei.

Crucif.

Mort.

**D**E hoc annuæ, ac pretiosæ meæ occupationes ita habent. Claudio Voley Coadiutori Camberij inclinante iam vitâ adfuit magna dæmonum caterua truci, horrendoque aspectu. vt ad S. quondam Antonium, Leonem, Vrforum, Taurorum, draconumque portentosis formis, ægrum territura; quibus voces congruæ respondebant ad deturbandam de spei arce Claudium. At ille inter pugnam cælites auxiliare accersere coniunctisque viribus dæmonis conatus recundere. Cum autem se ab illo metu tantillum reuocasset, spectandum se obtulit athletæ suo cælestis agonotheta veluti clavis cruci affixus; & illum sermone dignatus, pauentem erexit, pollicitusque est ad extremas vitæ metas (ne diffideret) affuturum.

**I**psè apertè significauit (vt habent annuæ instare sibi exitum vitæ, eaque propter, vt eam etiam ex obedientiæ legibus liceret finire, à suo Rectore postulauit cum Patre Roderico in cælum abeundi com meatum. Patris Roderici vulgatâ morte, adscito valetudinarii præfecto in suum iam moribundi funus solemnia, quæ sunt præparanda denunciavit, arcessendumque Collegij præsidem vti eius bonâ veniâ è viuis migraret, tum nemini dubium fuit quin sui decessus è cælo certos nuncios accepisset. Mox Pater Rector adfuit; à quo suæ missionis impetrato com meatu Andreas sumpto in manus sacro ardente cereo cum venerationis amorisque plenissima oscula sæpius in Crucifixi plagis defixisset, subitò deficiente cum viribus voce, concitatio remque anhelitum, qua per moræ impatientiam vrgente animo, cæli, Deique cupido, vinculis mortalitatis breuissimè placidissimeque absolutus est.

Lustratus  
Conimbricæ  
Iunio. 1671.  
ætat. 23.  
Soc. 7.

Mort.

## XXIII. DIE IUNII.

IOSEPHVS MARTI-  
NIUS SCHOL.Italus Parmæ. 1578.  
23. Iunij  
ætat. 21.  
Soc. 4.

**I**lustri genere, ingenio, & virtute, in quo ne quidem tyrones ipsi, quantumuis attenti, & sagaces. quicquid quod displiceret repererint. Lingua illi mirum in modum ad omnem

trutinam accurata, ne quid effunderet. Futuro suo Rectori scribens, rogauit, ab illo instar deliri tractari, & assidue affigi, ac exerceri. Ad eò, innocens, vt per extremos 13. menses nil vnquam egerit vt fertur, quod vel veniale peccatum iudicaretur. Obedientia illius cæca dicitur etiam nescio quo miraculo honorata. Sub mortem

Mortif.



em ingenti clamore sublato restitit, & Crucifixum opposuit dæmoni, magnam de illo concepram sanctitatis opinionem illi oggerenti.

Mort.

P. THOMAS  
GARNETUS.

Anglus  
Londini 21.  
Junij 1608.

PER plures menses ferro vinctus, mox exul, iterumque in Angliam reuersus, post sex annos in laboribus positos, iteratè exul ac redux, tentus, & supinus in cruce ad supplicium raptus, suspensio strangulatus, ac dissectus est; quòd Iesuita esset, quòd Sacerdos Catholicus, quòdque è præscriptâ quæ contra Pontificiam auctoritatem erat, iurandi formulâ iurifurandi sacramentum Regi pronuntiare detrectaret. Num vitam iuramento illo vellet redimere interrogatus; ne quidem quinque millium vitarum pretio se id facturum dixit. Benè inimicis nominatim singulis, benè Regi, Reginæque precatus: *Pater noster, Ave MARIA, Credo, Veni creator spiritus,* &c. dixit, & pependit felix.

Fides.

P. PAVLVS  
SCHEFFERUS.

Belga Bru-  
xellæ 23.  
Junij 1620.  
ætat. 43.  
Soc. 4.  
Lux.  
Mort.

PERpetua, tranquilla, & modesta illi è vultu hilaritas elucebat. Extrema Sacramenta cum perciperet magna luce conspectâ perfusus; Quanta lux! exclamauit: & à Rectore rogatus num eâ delectaretur; & verò aiebat vehementer illâ delector. Tum Deiparæ, & S. P. Ignatij nomine inuocato,

Patris quoque Costeri illic extincti preces postulans migravit.

P. IOANNES  
VASEUS.

IN Paraquariam anno 1616. nauigauit, & in Guayra fructuosum laborem impendit, Euangelio, pueris instruendis, festis apparatu musico (quippe olim Alberti Archiducis Symphoniacus) piè, ac splendide celebrandis, magnâ Indorum voluptate. Oculos castissimâ custodiâ tenebat vinctos, ne vel pueri quidem vilius, raceo fœminæ, vultum aspicerent. Puritati suæ Beatissimam Virginem & Angelum Custodem præfecerat, quem, vt eâ quoque significatione coleret, sedem illi ad caput lectuli pro nocte collocabat, & cubitum concedens oppido vniuerso benè precabatur. Cruce in quatuor illius partes ductâ, vt à peccatis hoc præsidio muniretur. Particularim ad singula, facultatem posebat, vt ex obedientiæ rectione faceret quicquid agendum occurreret. Ad Confessiones audiendas & ferè modo, quo ad sacrum, se oratione præparabat. Vt nauseantem stomachum peruinceret, aquam sanè turbidam bibit, & quadram sordium plenam linguâ detesit. Lingua illi tam attentè cauta, vt nunquam per omnem vitam vilius mendacij sibi conscius fuerit: actiones tam circumspectæ, vt singulas similibus Christi olim inter mortales agentis actionibus coniunctas Deo vbique præsentem obtulerit, constantiâ magnâ, licet nullo teneriore solatio.

Belga in  
Paraquaria.  
Iunio 1623.  
ætat. 19.

Oculi.

Vesperis.

Mortis.

Lingua.